

頤道堂詩選

頤道堂詩選卷二

錢塘 陳文述 退庵

古今體詩

夜聽擣衣

今夕秋月明月華散前楹螢飛玉階院雁度銀沙城誰家
擣衣女攜伴出中庭轆轤轉金井寒漿上銅瓶細腰玫瑰
杵方花白石砧砧清透空響杵亂自成聲聲隨別淚下響
逐秋風生啞啞夜烏起迢迢牽牛橫牽牛指銀漢耿耿夜
將半連理檢袂複曲折整袵幅幅細花雜斑斑清淚滿
心苦聲轉急腕弱手更換袖長鳳縷溼力重蟲響顫長蓬
送高秋夜風何處樓思婦悲遙夜征人戍隴頭誰家無別

頤道堂詩選卷二

恨何地不離憂憂來心切切
藥砧三載別萬里塞上陰八
月邊關雪祇有春前寒那得
秋後熱舊恩蹙眉黛新愁泣
眼纈蚪漏夜如何空庭月影
過露下柳絲重霜飛木葉波
營門抱畫戟玉帳枕瑠戈
竟牀長簟冷應復夢交河

倪文正公畫雙松歌

長風捲紙濤聲虺蚪枝勁折
龍髯派墨痕慘澹染碧血畫
筆再拜倪尙書尙書枋國崇
禎初內郃外寇顛誰扶大厦
如山棟材少沉憂早已悲蒼
梧尙書畫松如畫人礪礪節
目盤枯鱗天荒地老歲云暮
稜稜勁骨無冬春尙書寫松
卽寫照黛色蒼茫古容貌烈
皇殉國公殉主弓劒淒涼九
原弔絹素流落二百年景山
花落埋寒煙畫中黯黯頽雲

暮亂鴉啼煞冬青樹

送金手山

學蓮

歸吳門

風雨鳳城秋君行不可留
虛溝萬楊柳吹雪滿船頭
余亦思歸去江南有畫樓
客中先送別望遠不勝愁

長安酒肆題壁

男兒讀書不得意便當遠
從竇車騎有銘去勒燕然山
不負平生識奇字滿城落葉長安秋
恰向天橋尋酒樓心中熱
血眼中淚無因灑向滄波流
我憶當年陳伯玉都市碎琴歌
當哭自惜生平文百軸更憶昔時李
青蓮與酣落筆生雲煙金龜貰酒呼
謫仙某何爲是棲棲者眼中之人知
已寡明朝散髮弄扁舟不然荷鋤南山下

旅行雜詩

殘夢續未成，敝裘寒似鐵。
馬上看西山，已有數峯雪。
木葉靜不飛，寒色落鴉背。
夕陽照短籬，野人斲青菜。
遙山天外青，蛾眉澹如掃。
獨坐枯樹根，疲驢嚙殘草。
孤雁墮殘月，荒雞催曉星。
鈴聲如欲語，微向夢中聽。
雲抱一天圓，月隨衆峯轉。
邨墟知近人，隱隱數聲犬。

東阿舊縣陳思王墓下作

千古思王子，人傳八斗才。
文章鸞有翮，身世鳩爲媒。
恩重悲三徙，心孤寫七哀。
銅臺空作賦，羅綺半飛灰。

鄰下文文盛，應劉託古歡。
芙蓉公子怨，萁豆弟兄難。
江海憐鰕鮒，芬芳惜桂蘭。
西園舊明月，流影至今寒。

無窮家國事託興洛川神解珮誠先達凌波意待仲微詞
同宋玉知已是靈均金枕原無夢何勞賦感甄

忠義三良感才名七子尊死生期報國車馬憶歸藩濟水
經荒郭魚山對墓門無因問遺族惆悵舊王孫

南沙河驛壁有人題三絕句自署東阿驛卒詩甚奇
偉輒爲和之

首宿三花獵騎高君王新賜玉環刀漢家飛將今何在風
急天山起阜雕

橫攬雕弓賦北征燕支山色斷龍城十年書記渾如舊空
指蕭郎作騎兵

花暗鶉膏淬牡銅匣中秋水嘯雄虹賣漿大有英雄在去

向夷門事薛公

原作

曉天吹角戍樓高
夜撫銅鑲龍雀刀
三十男兒好身手
亂雲堆裏射盤雕

十萬樓蘭久罷征
詔書不度受降城
衛青竟換封侯骨
王整何堪作外兵

七星小劔斷青銅
舞罷霜天繞玉虹
聞道時清吾可隱
蒼山歸去事猿公

穀城弔西楚霸王墓

墓門餘氣鬱峻嶒
叱咤風雲尙有神
百二關河終王漢
八千子弟竟亡秦
生憐敵國收奇士
死報君王有美人
莫向

九原悲寂寞長陵蔓草不勝春

月夜行黃河隄上

黃河隄上征車行黃河隄下寒流平夜色沉沉萬籟寂蘆
花風急秋潮生明月蒼茫出天頂雲開照見黃河影西風
獵獵吹客裘滿地霜華馬蹄冷如繩秋雁雲中來忽然墮
地鳴聲哀木葉隨風渡河去秋心對此空徘徊此水茫茫
東入海此月悠悠幾千載閱盡東西南北人惟有清輝古
今在眼前人物誰雄豪所思不見心煩勞河上曉煙作雲
起斜月漸落明星高

歌風臺

歷有荒臺弔夕陽東來泗水尚湯湯英雄得意爲天子父

老多情況故鄉歌罷大風真慷慨酒邊雲氣定飛揚應知
此淚關兒女不爲韓彭泣數行

雲臺師以少司農撫浙設詒經精舍於西湖招兩浙
經生讀書其中用昌黎薦士詩韻

高詞婉邱墳古訓募典詰作者三代上精力靡不到秦設
博士官漢有經師號匯歸左海淵疏淪先河導石渠論通
德禮堂森節操聿從漢學衰漸見元氣耗讀書失師承稽
古味堂奧文囿梟雉窟書林蚶蟻噪史旣虞隱竊注亦郭
象盜先生淮海儒中和應履蹈鐘鼓啓顓蒙規矩囿頑暴
金石羅九宅碑版照四壤讖緯闕京費黜鈴陋恬鶩經術
與人材此外非篤好八代志扶衰一手力排梟警若灝江

漢曾不鄙行潦立德兼立言不在務施報前年課浙士絕
學肇裨竈銅行鍊愈精金匱刮無眊天憐韓愈窮鬼卻鄧
颺躁孔詢項橐幼晁訪伏勝耄易陋王弼疎書斥張霸冒
亭林與竹垞相視息譏傲浙士始嚮學此力同再造帝
命開府來筇漢天所燾湖山半梵俱做俗中心悼闕佛卻
緇素養士美纁縞馬帳生徒親鹿洞規條告大儒擁皋比
諸生來席帽經士與文人相見若姻媾前楹祀許鄭春秋
蘋藻芼大國雄齊晉小邾魏邾郛陶鑄羅鼎鬲齊量同璋
珎達莊威合軌壇坵各樹藜名山與大科悠久心所禱培
養蔚隆棟恩誼深保菴膏火資南油廩給分北漕志勵明
經明唱息懊農懊幸託戴崇近聊爲展喜犒更登第一樓

載酒相慰勞

贈孫淵如觀察

星行

兼憶洪稚存太史塞外

六經餘事入曹倉
筆有鋒稜簡有霜
識字淵源師許慎
埋輪風骨效張綱
曲臺著錄深三禮
碑版文章照八荒
袁伏齊名更相憶
玉關萬里鐵衣涼

湖上暮歸舟中望四山新綠

殘紅餞餘春
夜雨四山足
山光倒入湖
流波瀉春綠
我從湖西來
舟行綠波上
碧浪生流紋
翠黛潑層嶂
夕陽已銜山
暮色蒼然至
微聞煙靄中
鐘聲出古寺
楊柳啼樓鴉
知是白隄路
臥聽漁舟笛
吹入綠陰去

吳山酒樓望隔江青山懷邵夢餘龍山精舍

長江從東來入海一千里隔岸越山青影落長江水青門
有故侯雲臥懶不起宦海感波瀾名場堅壁壘世味澹耕
釣名心晦經史回憶湖上樓談詩空翠裏極目江東雲吹
墮龍山尾

上巳同吳澹川孫蓮水家曼生奉陪中丞侍湘圃封
君皋亭修禊用昌黎集中寒食出遊詩韻

先生論兵霍去病著書亦似管孫盛馬融帳後金釵聞辛
漸樓頭玉壺映重來開府湖山美幾聽戟門笳鼓競屢因
籌海話鈴鞞偶向舞雩寄觴詠文武兼資韓魏公憂樂同
人范文正西園雅遊吳質在南皮招邀孫綽更讀書各有
書等身抱才始愛才如命嬉春又見桃千樹銷夏記曾荷

萬柄一紋風流晉永和百篇贈答唐長慶封君屢鑠與頗
健弟子追隨心所敬舟近畫橋香漸滃山隔花光翠逾負
吟詩頗愛賈島佛酌酒誰爲徐邈聖辰良日吉觀希遇神
恬務閒意相併食前不疑問民瘼膝上文度見天性隔舫
有人雲母窺卓旆莫放風姨橫別港漸進新綠漲連邨遠
見媽紅送前遊尙憶人倚玉後約還期月懸鏡小隊祈蠶
美風俗平田開麥紀時政洛水羽觴對孰賢會稽蘭亭筆
誰勁人誦平泉李贊皇我思綠野裴中令

題趙璞函光祿

文哲

媿隅集

開天詩史元和格地老天荒此詞客蠻府參軍一卷詩誰
知中有萋宏碧當年七子重騷壇嬾雅才名接杜韓漚瀆

秋潮圓泖月江天一碧弄漁竿十年走馬長安道紅藥花
前催起草偶譚溫樹蔭塵寰神山遠隔蜉蝣島忽與粟姚
大出師南征諸將羽書馳幾番滌向昆池水露布饒歌筆
一枝牂牁遠派金江上玉帳分兵連猛養偶從緬寺聽啼
猿屢見夷官獻馴象貝葉書來請受盟雲中不築受降城
花門虜面應親見 聖度如天詔撤兵紛紛宮雁還賓雅
宮裏雁賓雅
得諾皆緬人蠻荒姓氏詩中寫未容歸計狎漁樵自有高
歌洗兵馬密寨層礮高插天大金川接小金川據鞍誰是
修期在共說軍諮祭酒賢乘勝長驅如破竹犄角聯營木
果木豈知昔嶺竟潛蹤狹狷磨牙思擇肉陣雲如墨壓營
空鐵馬金戈戰血紅一夜軍聲警風鶴五千甲士化沙蟲

重圍不透鸞飛紙中書甘與將軍死握節仍銜溫序鬚穿
鬣更奮睢陽齒西微山川總絕奇從軍美諾惜無詩修羅
劫火同灰燼不與天龍共護持史臣載筆 天恩曠崇祠

賜祀招魂葬不負才人報國心孤兒任子雲霄上

謂君子乘

淵乘

君不見孫相國

士

幾度助名威絕域當日軍中其賦

詩戰場傳唱弓衣織又不見王司寇昶紫光畫像雙瞳秀
早年詞賦重江東淵源同向歸愚授從古才人命不同惟
君姓氏重昭忠一編攜向東溟讀滄海泱泱起大風

段橋遇雨

雷聲俯南峯雨在北峯下長風驅屯雲飛行若奔馬蛟龍
雲氣中頭角見者寡不知江海上誰是爲霖者樓閣入空

濛不辨宮牆瓦空山響亂泉湖波綠如瀉農家正望雨霑足徧四野一洗炎歊空披襟意瀟灑

送中丞師松門籌海

南紀江河匯左海天地隩鉞程遠溟渤統羽送船趨衛戍聯營喉島嶼望洲嶠灘漁拘蠓蠅海民網鮪鱖逋逃聚不逞飢寒迫爲盜始焉試草竊繼乃肆桀鶩艨艟驕鳳尾舩艦雄水澳押扛鐫鈐記出海署名號重嶽羊山深雙疊馬蹟與花鳥及陳錢一一青可眺散卽駭鹿走聚亦羣鳥噪浙洋連閩粵來往勢急剽更有安南夷樓船煥旌纛鬼賊互援結螭蚪潛嚮導每乘南風盛輒向北洋蹈沿邊閩練密竝海烽火照甌甬列水師春秋期會哨未及早撲滅空

煩暑遊徼備裨蹈海憤士卒沉湘弔 當宁方求才連帥

誰敢暴我師九天上親承宣室召測海乘 廟略籌筆答

明詔疆事形勢精家學霜鈴妙胸中勝算儲闔外先幾

料內應縛秦謀漏師防鄜犒首杜水火濟兼絕米穀糶潛

伏穴鼠譎倚勢城狐嘯一一歐刀戮紛紛蕭斧膏伐敵首

伐謀上書旦夕報矯矯王廣文十條能舉要論戰貴論將

威望選列校桓桓李都尉軍鋒避水豹練兵先習流黃龍

發戰懼陳師更配械赤冶鑄飛礮足食乃足兵供餉同轉

漕鬪智亦鬪力鄰封聽檄調松門臨大海駐節今再到戰

士被犀甲健兒佩虎背忠義生激厲辛苦酬獎勞士感投

醪惠軍懷挾纊煥叱馭輕王尊阻嶺陋周竈巍巍天后宮

赫赫龍神廟明禋 御香齋期應戰禱長綸投巨犛笑
指連鰲釣孫盧東晉擬朱張南宋虬飛黃勢輕狡鬪白力
排冢舊史鑑愆患新書倣紀效計日封鯨鯢瀛波息寇鈔
江海慶清宴日月美光耀兩君枚馬才徐璧堂家曼生同在戎幕草檄
馳文誥會看平海頌送喜 楓宸告濡筆勒丹崖方略瀛
舟校

節院小瀛舟池上詠雲臺峯和中丞師韻

東遊未踏郁洲峯雲片何年墮碧空夢寐煙霞尋海上神
仙樓閣在壺中影橫精舍紅欄隔秋老瀛舟碧水通但令
此心長不轉何妨風月透玲瓏原詩云欲與石交商一語那如鐵壁不玲瓏

銅雀瓦硯歌

觚稜金爵飛秋風銅雀夜落漳河東漳河流水日東瀉居
人淘出鴛鴦瓦魚鱗萬影飄綠煙此瓦昔日高臺巖二喬
國色遠莫致英雄失意橫江年墓田風雨葬歌舞此瓦可
憐臺下土銅仙鉛淚銅駝霜一樣興亡弔今古銅構甲帳
飛劫灰此瓦今日歸玉臺詞人解賦鄴都引蛾眉曾爲西
陵哀吁嗟乎七十二墳苦心作魏公當日好才略分香賣
履悲莫悲對酒當歌樂復樂三臺湮沒片瓦存漢殿秦宮
同寂寞河邊殺鞬飛上天高家又起香姜閣

雨夜讀雲間姚春木公子

椿

萬里集竝題張船山太

史寶雞驛題壁詩後

萬卷之書吾未讀萬里之路亦未行一燈兀兀坐秋雨吟

詩都作寒蟲聲何來一卷浣花紙彷彿開天舊詩史蜀道
秦關尺幅中萬里之行始于此騷壇旗鼓真英雄雲間才
子姚武功白雲在天觀舍遠短衣匹馬來軍中赤眉青犢
頻年擾節度行師環幾道形勝江山此地多戎馬書生古
來少清夜琅嬛酒一觴白蓮花謝話天狼金戈鐵馬悲諸
將白骨青燐弔國殤戎壘蕭條陣雲黑知君悲憤填胸臆
別有花明雪豔辭旗亭傳唱弓衣織繹絡星霜事遠征男
兒此際重功名錦江滌筆勞飛檄誰挽天河洗甲兵劍南
太史今詞伯更讀新詩寶雞驛一樣蒼茫萬古心雨聲漸
止東方白

毛西河太史所撰明武宗外紀

白龍入夢竟分明
草草遊畋過一生
塞外旌旗三衛部
禁中礮火四家兵
金璫自領中軍隊
玉勅親加上將名
莫道君王不威武
馮牙當日說南征

星急黃封道路賒
後車隨意選名花
三朝舊典刪宮正
六店微行愛狹邪
齊主無愁原有曲
漢皇重色竟忘家
脫簪玉貌眞傾國
一夜盧溝返翠華

宣府爲家樂未休
浮江又見下龍舟
但聞故榻儲書進
空有諸臣諫疏畱
夫婦行香春禮佛
君臣賭酒夜藏鉤
瑤池黃竹星霜換
八駿虛傳穆滿遊

輪臺遺詔亦淒涼
內傳分明記武皇
因果枉勞三世問
繁華肯信六朝荒
天池風雨歸龍馭
夜月笙歌冷豹房
畱與

千秋作殷鑒祗今絃索譜詞場

颶風行

爲雲臺中丞師紀庚申夏海上神風盪寇事也先是浙洋賊以鳳尾幫爲巨閩洋以蔡牽爲巨粵洋以朱瀆等爲巨艇匪者安南夷船也自阮光平併黎氏之國而有之黎氏臣庶阮福映等不服者竄入儂耐稱舊阮歲與安南戰儂耐者鹿賴也當阮光纘繼立招集閩粵亡命配以船械往攻儂耐儂耐乘象戰於象背用銅礮以擊安南安南兵不敵則亡走海上爲盜歲貢其所掠於阮是爲艇匪而安南實盜藪也艇匪於海上甚習又高大於水師

戰船者倍礮皆川銅海上賊不協則互鉤致挾以爲重往歲北風盛則至粵南風盛則至浙故冬春浙洋幸無事己未冬南風作艇匪與蔡牽鳳尾皆至浙泊馬蹟洋山諸舉不去登定海各岸殺民人掠子女勢張甚時黃巖鎮總兵岳璽署溫州鎮總兵胡振聲皆勇往定海鎮總兵李公長庚尤善用兵願以船礮不敵屢戰失利中丞至浙博採輿論親加履勘以武備不修不可言戰乃率屬捐十萬金製船礮庚申夏戰有日矣六月二十二日癸酉颶風作擊盜船數百皆碎艇匪殲焉中丞駐台州之松門率將弁殲盜八百餘人獲安南之大統兵

進祿俟命貴利及大小銅礮八百餘四總兵印安南勅書餘盜亦遁蓋浙閩之患艇匪數年於茲至是皆盡方公之籌畫精密將吏用命則剋期一戰亦必戮鯨鯢而肅清之而天吳陽侯必先爲之佑助旣以見國威震疊百神效靈又以見公之精誠感孚非有實心爲國爲民之忱不至是也

天子擲安南勅印與光纘問其罪光纘表言令貴利等防農耐不虔入浙爲盜請罪甚懼因是光纘喪軍實益衰弱三年爲舊阮所滅方風之作也或言海上龍掛艇匪以銅礮擊龍故致斯異雖傳聞異辭亦見罪惡貫盈事會之適然以成我中丞綏

靖海洋保障浙民之功也是役也余以節節署治
文書未得偕往家曼生同在戎幕所言如此因約
其事作爲此篇以當中和樂職云爾

東南地缺瀕大洋銀濤萬里天青蒼湖東四郡接閩粵雲
帆利涉通漁商承平日久蘗芽伏鳳尾水澳雄艦艦近者
交肚及鹿賴亦作儂蠻爭觸鬪相撈摭用兵無功逸爲盜裝

載巨礮乘大航北風至南南風北殺入奪貨如割羊土盜
依附虎而翼橫行合并不可當三鎮舟師亦威猛頗患亡
命紛披猖海天風信更靡定強則盤踞弱遠颺中丞秉鉞
出撫浙帝曰咨汝惟海疆下車伊始事籌筆博采衆議
綜其綱頗聞奸民利爲寇利在交易資糗糧表裏鉤結肆

貪毒若蝨與駞狼與狼嚴察口岸杜偷漏編排保甲搜捕
亡欲除外患先治內如導水者在濫觴捐金十萬誓辦賊
招徠賞罰皆周詳洪鑪百道鑄飛礮工師萬指成艤艤先
聲所播士氣奮鯨鯢遠遁蛟螭藏今年夏五值風利強寇
入境暴且狂大陳北鹿潮擁舫三盤馬蹟雲連橋公然敢
與我軍抗當車奮臂來怒螳中丞靜鎮摻勝算謀出萬全
周八方飛書草檄用枚臬謂曼生三省合力虞羅張籌畫既
定剋期集一箭定可消機槍六月癸未日癸酉大瀛如鏡
激絃滄游魂釜底正自滿指揮赤馬驕騰驤帝命五龍下
取水鱗甲軒露牙須昂銅礮一擊龍性怒白日匿采天無
光霹靂下擊電火赤戰鼓百萬轟雷碾沉擊巨艇盡壘粉

掃除衆孽如批糠我軍桓桓健貔虎水犀激盪風雲翔揚

僕樓船最堅利韓滉戰艦皆精良黃頭履海若履地赤手

挽弓爭挽強烏艚十隊桅斷裂紅篷百葉灰飛揚

匪艇大者曰烏

槽土盜船蓬以紅爲飾賊屍蔽海海水赤生者就縛若探囊獲其通

侯及印敕藁街縣首來餘杭執訊獲醜威震疊渠魁殲後

無奪壤忠誠所結鬼神助恬波安穩成康莊飛章入告

帝心慰成功不居臣道彰柔祗效順神率職黃封繹絡頌

御香松門祠宇森綽楔中央萬歲書煌煌海不揚波萬

國服天威遠被聞球陽

時趙介山殿撰李墨莊舍人奉使冊封琉球

方今西

北尙苦寇關隴戎馬猶倉皇將乘廟謨士用命指日犁

穴清邊防洗兵雨過天地綠豐年降福歌穰穰如中丞者

兼文武東南永恃長城長

西湖雨後泛月

雨雲收盡天空青峯頭月出湖底明湖心一亭秋水上海
田四面琉璃平櫓聲如雁劃寒碧扁舟疑向空中行藕花
香靜白鳧宿水風花氣吹泠泠羣山黯澹若殘畫惟見寶
所一塔天邊撐誰家短篷答遙浦漁燈影澹沉秋螢衆星
三五不盡識匹練耿耿銀河橫碧筒紅露傾酒榼花觚綠
雪閒茶鎗客心悄然萬籟寂海門隱隱寒潮生月湖本較
雨湖好況此雨後秋涼輕瓊樓玉宇渺何處思驂鸞鶴遊
瑤京參橫斗轉月漸落南屏一杵鏗鐘聲

漢燉煌太守裴岑紀功碑

碑文云惟漢永和二年八月燉煌太守雲中裴岑
將郡兵三千人誅呼衍王等斬馘部衆克敵全師
除西域之災蠲四郡之害邊境艾安振威到此立
海祠以表萬世乾隆中築城得之按後漢書南匈奴
傳異姓有呼衍氏須卜氏邱林氏蘭氏四姓爲
國中名族常與單于婚姻呼衍氏爲左蘭氏須卜
氏爲右又云北地右賢王屯朔方尙于骨都侯屯
五原呼衍骨都侯屯雲中無呼衍王之名惟班勇
傳云建元二年勇又使別校斬東且彌王亦更立
其種人爲王於是車師六國悉平其冬勇發諸國
兵擊匈奴呼衍王呼衍王亡走北單于入後部勇

使假司馬曹俊求之斬其貴人骨都侯於是呼行
王遂居枯梧河上自後車師無復虜蹟惟焉耆王
元孟未降二年勇上書請攻元孟於是遣燉煌太
守張副將河西四郡兵三千人配勇勇從南道副
從北道約期俱至焉耆而副先有罪欲微功自贖
先期至副離關遣司馬將兵前戰首虜二千餘人
元孟乞降遣子詣關貢獻副得免誅勇以後期微
下獄順帝本紀則云永建二年西域長史班勇燉
煌太守張副討焉耆尉黎危須三國破之並遣子
貢獻五年疏勒王遣侍子及大宛莎車皆奉使貢
獻六年復伊吾屯田復置伊吾司馬次年改元陽

嘉陽嘉三年車師後部司馬率後部加特奴等掩
擊匈奴大破之獲其季母其五年改元永和永和
二年卽陽嘉五年又卽永建之十二年也是年廣
漢都尉擊破白馬羌武陵太守李進擊破叛蠻七
月九眞交阯二郡兵反無燉煌太守擊破呼衍王
事且裴岑姓氏亦不見於後漢書論者或疑贗作
然陽關以西去中國野教遠誰作僞者且果作僞
又何不考核范曄諸家之書使人徵信而故爲謬
互之說後世卽吉金樂石以糾史傳之誤者多矣
奚必碑石爲僞史傳皆實耶因爲作詩

君不見班超碑遠在柳谷之境伊州西磨其文者姜行本

玉關寂寞名空題又不見諸葛碑乃在蜻蛉之川勃弄南
仆其石者史萬歲天威終古留空函古來名蹟傳者少過
眼雲煙沒飛鳥此碑出世何獨遲篆古矜嚴稜角好燦煌
太守能安邊陽關西去消烽煙天山淨掃海祠立銘功尙
紀東漢年我聞漢家兵力盛蔥雪龍沙久綏定班勇一出
平車師張朗重來破元孟延光改元逮永和呼衍已徙枯
梧河全師克敵靖邊境絕域從此無兵戈謝書范史多遺
事文章不入駟駮志衛霍威名史所悲甘陳功罪人誰記
本朝威德古今無日逐河源入版圖青海晴波映戈壁
玉關秋色老伊吾築城近日輪臺下都護頭銜尊僕射一
碑出土萬人看拓本流傳重無價戊校魚符驛路經西京

附錄詩選卷二
十六
字鎮古龍庭天山洗盡燕支色壓倒當年寶瑟銘

可莊題壁

西冷橋畔路煙水好漁磯老樹留鴉宿前山見鶴飛晚風
長遂起細雨畫船歸秋氣深紅蓼微波冷葛衣

想見南巡盛開門對御舟魚龍迎甲帳鷗鷺識辰旂水氣
寒行殿莓苔上柁樓 先皇龍馭杳風雨幾經秋

天竺道中

天門從東來靈隱復西指岡嶺勢複沓山色茲爲美佛坐
翠微中人行青嶂裏花宮麗若雲輦道平如砥檜柏隱樓
殿藤蘿骨溪水白雲間不飛翠禽棲復起上方鐘磬聲清
響動移晷來問石三生歸尋松九里

山行見紅葉

十月霜氣深出郭見紅葉扁舟渡湖波浮荇蕩雙樹山行
景更佳巖岫深幾疊空林半黃落殷紅勢相接回憶春夏
交綠陰隨步履歲華忽已換迅若目轉睫夕陽絢更麗意
行吾所愜暮色靄歸舟寒鴉下城堞

緜光竹徑

萬竹如繖雲徑在竹中轉我攜筇笠來拂石坐蒼蘚林深
啼鳥間山靜驚麕鮮高岫出林杪遠近翠微淺山僧知出
定清磬度雲巘林葉響蕭槭冷風送餘善涼影滿秋衫澹
若波可翦微聞幽澗泉泠泠出竹筥仰視天際雲無心自
舒卷

輓吳澹川

琅嬛館是麒麟閣曾賞詩人第一功
豈料邠原歸海外更無羅隱重江東
月寒湖寺浮雲散花謝瀛舟滌水空
何處招魂薦秋菊吳涇衰草咽寒蛩

山行

萬樹綠成海一峯青入雲
鐘聲度幽壑樵唱入斜曛
寺古嵐光合橋橫澗路分
蕭蕭白楊外疑有故人墳

雪中過靈隱寺歸舟登第一樓

侵曉出郭門彌望皆雪意
悠悠長林外山影靜如睡
隔林聞梵鐘已至靈隱寺
泉冷孤亭間雲凍陰洞閉
早梅香破禪蕭澹得禪味
乘雪登輕艫波光轉清麗
偶從明鏡中寒

黛點蒼翠小樓背山出登臨感所寄遙峯幾稜明歸橈沿
夕霽

秦始皇美人墓

在乍浦秦駐山武康徐孝廉熊飛有詩云潮打空
林玉輦還香魂猶葬落花間卻憐毛女成仙去霧
鬢風鬟入華山喜其新穎因和四章

彩旗門外掩斜暉秦駐山頭弔女墳埋玉路迷吳苑樹招
魂天遠楚臺雲阿房照鏡消殘夢渭水流香臙舊聞試問
娥媼誰得見東來應問瀉池君

當年竝海擁宮車東望神山翠輦徐瀟月聰明知是否玉
姜顏色問何如吹簫帝子思乘鳳連弩君王見射魚惆悵

卷衣陪豹尾綠雲鏡裏曉鬟梳

秦時明月至今圓曾照君恩卅六年迎輦有花知奉御長
生無藥枉求仙美人雲起春情幻神女泉溫舊蹟湮話到
鴻臺宵讌罷玉魚金盃倍淒然

宮花禁柳總嬋媛從古巡遊弔玉顏虞帝死憐湘女殉周
王生哭盛姬還桂旗蘭佩虛無外霧鬢風鬟縹緲間僥倖
南征不歸去免教陰隧閉隴山

泛舟南湖登煙雨樓

泛舟入南湖水木意蕭瑟澄波如碧雲樓閣雲際出湖而
遠煙生渡頭朝雨歇隔岸樓堞間臨水簾櫳密時見闌影
外盪槩漁娃疾春風到江岸柳芽綠已苗酒邊聞棹歌坐

待鵝黃月

獨遊虎邱尋舊刻劍池題名

生公臺畔石陂平曾共淮南載酒行池水一泓清似昔苔
花綠上舊題名

琴娘曲和王仲瞿石瓢樓詩卽用原韻

仲瞿詩序云石瓢樓弔琴娘也琴娘天台衛氏女
以國朝順治三年死潤州之甘露寺按衛自序
琴娘子歸三月鼙鼓南來擁之北去厯河渡淮欲
死無地旣而琵琶擊碎幸脫餘生破面毀形蒙垢
廢蹟畫乞道塗夜竄青草託流水之飄花言來京
口遂登北固涕淚如狂憶昔耶娘空傷魂魄良人

天遠存沒何知惟幸遊魂帶血夜化啼鴟猶恐不
解南歸雁峯路絕因題短什遠望孤親遺事流傳
附諸誌末亦足偉矣嘗覽潤州故實若華山畿杜
秋娘瑣屑用情文人膾炙琴娘以奇特孤摻委身
宿草翰墨無聲訪諸摻觚未能口實余登石颿之
明日緝綴繁辭次其梗概雖不足以曠附藝林亦
未始非闡顯人倫之鄙意也吳澹川南野堂筆記
亦載其事

芳樹零香絲緒絮陌上哀禽向人語花飄柳泊不成悲併
入青琴怨春雨昔日琴娘懽早嫁石梁明月藍橋夜畫簾
金鳴畫長熏寶鏡銀鴉嬌不仰豈意將軍細柳營翻同青

犢夜翻城滿城風雨桃花泣彈入冰絃第一聲當時願學
桓罍汲豈料今從道旁泣道旁飲泣不得甯多少健兒馬
前立薄命淒涼溝水頭眼前無水不東流清淮落葉黃河
冷嗚咽笳聲夜夜愁女伴相看不成語魚貫前行雁行序
樓臺當日惜娉婷琵琶此地悲兒女曉波作鏡寒風擲疲
馬投荒獐犬叱微軀僥倖脫豺狼殘命淒涼弔蟻蝨茹荼
集蓼誰知道虎口餘生眞草草遠望淮南一髮山黛痕翠
比修眉掃秋露如珠月似弓相看北雁與南鴻小名憶到
金徽側別鵠離鸞感故雄橫江夜渡風兼雪故園消息音
書絕鬼伯催人行路難冬青夜半鵲啼血一死艱難仗佛
慈兩行題壁斷腸詩憑誰錄向天台去骨肉流離那得知

太息東南天半壁，浣女心情共繞繚。多少嬋娟去不歸，夜潮嗚咽心驚惕。歸去芳魂一夜風，朝眞絳節禮眞容。會仙石畔家山在，認取瓊臺第幾峯。橫琴弔古江南客，蕙湘木事同淒咽。潤州城郭石颿樓，磨崖終古銘貞烈。

原作

王曇

江上晴雲畫如絮，紅梨花底紅禽語。紅禽樓下逐花飛，樓上紅飛墮樓雨。一作金閨昔日琴娘嫁，銀鑪蕪麝檀

郎夜珊瑚枕絮不成眠，玳瑁妝花未曾卸。鯨鯢唐突月翻營，蜂蛾一旅雪登城。當時鳳吹樓頭出，今日鶯啼馬上聲。敲冰斫凍朝漿汲，偃翠低紅夜深泣。上前鴉被倩人扶，落後弓鞬亂流立。黃雲墮陣濁河頭，紅旗拔戟清

淮流駝囊瀉酒駝鞍喫鬼妾呻吟鬼馬愁蠻龍帳裏蠻
絃語春雁秋鴻亂無序崑崙不是姓康人琵琶忽作都
亭女鞍驟鞵馬三更櫛戴月乘星避呵叱偷壕出塹死
誰是虎口繼生命如蝨野田積水淮南道日乞窮途夜
青草娉婷秋月缺難圓爛熳春雲亂難掃雲煙繫愁天
如弓關山不見昔來鴻猿驚雁怯傷前侶鶴寡鳳孀泣
故雄北固山頭半城雪西陵渡口行人絕魂禽叫下土
山雲鬼鳥啼紅寺門血阿耶生我阿娘慈袖中卻扇妾
郎詩君生妾死君休恨妾死君生妾不知風風雨雨山
頭壁字字行行淚泫泫此時烈骨枕荒涼此夕遊魂客
驚惕豚魚吹浪江生風雲霓爲佩月爲容石駟山下駟

來去且上飄船到雁峯江南遊子青衫客振筆題詩紀
嗚咽一弔江樓謚君貞再弔江樓謚君烈

月夜京口候潮登北固山望江

暮江凝不流水天橫澹白月上海門樹照見孤舟客明星
列三五離離亘圓璧微聞浮玉鐘清響破空碧荒壘空齋
梁人世幾變革隱言英雄人風花盡陳蹟浮雲無古今江
流自朝夕明發早潮生去去廣陵驛

雪中過虹橋

玲瓏玉樹冷棲鴉多少紅樓近水涯一路畫簾寒不卷隔
牆香出白梅花

隋宮遺址

大業垂楊盡雷塘墓草秋當年遺勝蹟此地亦迷樓海內
方殷富江都樂宴遊中原集畚鍤南畝失鉏耰發難因懷
靜前驅有叔謀丁男通汴水甲士達邗溝王氣開應斷長
江水不流一椎驚力士雙壁返留侯宛轉河傳曲淒涼水
調謳後宮聯鳳舸帝子御龍舟舳艫黃衣挽矇矓錦纜收
翠華移畫艫金檝蕩輕艘殿腳花眞麗宮腰柳更柔離宮
開晉苑別館接秦郵珠細簾波晃香濃霧縠浮荒唐慕秦
漢制度狹殷周薩水更番戰長城次第修紫河增壁壘青
海訪驩躡鐵杖黃衫沒珠旗素錦綢將軍化猿鶴蕃部笑
獼猴仙狂求臨朔臺空弔薊邱重來心更蕩此後願難酬
珍玩連絛貢嬋娟繹絡求矮民進王義巧匠得何稠香製

檀蘭飲星馳郡國，饒扶芳進吳郡。嘉實獻瓜洲，纖手名花豔。長蛾黛色羞圍屏，銅作鑑安輦。玉爲軸，寶帳酣春夢。橫波散古愁，心惟憐繾綣。臂合印，綢繆國色。今生怨，宜華舊恨。畱兜熬念蟻，蝨朝暮。學蜉蝣，已竭寰中髓。空悲鏡裏頭，絲箋雙騎勅。銀箭五更籌。玉李春千樹，紅梁醉一甌。瓊花沉洞府，夜月怨篔簹。西苑春空好，東都夢早休。鴉啼春樹老，螢散廢垣幽。金粉埋黃土，麝蕪冷玉鉤。六朝勞結局，惆悵古揚州。

大雪泊露筋祠

前日雪中來，今日雪中去。扁舟衝峭寒，回首康山樹。露筋祠下泊，老樹歸鴉還。日暮一尊酒，不見淮上山。

偕朱椒堂潘紅茶渡黃河抵王家營造僕歸寄家書

作

又見旗亭柳東風綠萬行
河流變春色帆影送斜陽
客路幾番過征塵來日長
殷勤語歸僕安穩報高堂

岱廟漢柏

炳靈宮前漢時柏黛色參天
半天黑老榦半生復半死
孤根非木亦非石一株偃臥
青參差左掛右拱皆絕奇
兩株離立右階下清陰不動
盈丹墀就中一株吁可怪
輪囷欲出青冥外空山劫火
燒不得解脫拘攣破天械
封臺高揭青山巔臺上梨棗
紛金錢千乘萬騎東海上
種時猶記元封年是時衛
霍方開邊張騫鑿空經酒
泉白茅羽衣拜玉

印封禪未已還求仙馬肝牛腹應知誤一詔輪臺嗟末路
茂陵風雨草萋萋此間猶賸當時樹鸞巢鳳宿聲嗷嗷
疎未宥成蛟龍風煙歷盡二千載香葉一碧無春冬君不
見空山元氣多老壽天門更有秦皇松

唐槐行

東殿攬漢柏西殿攀唐槐華陰秦樹吾未見見爾盤拏屈
曲之奇才李唐遺蹟今如掃摩崖亦覺青山老賸爾陰森
蔭嶽祠知是開元與天寶吾聞三槐列位如三公當時燕
許皆文雄中朝大筆美聖德賢臣復有源侍中至今文苑
三壇頌清廟明堂同典重泥金嶽頂啓侈心相業應慚匹
姚宋此樹半枯亦半生生枝猶作當時青黃花未放已愁

絕慈恩雁塔誰題名世間古物無不有但得天全皆不朽
君不見萬里河源公主祠碑陰亦有唐時柳

出郡西門望泰山

前年望岱宗客衣撲黛色深夜叩嶽門凍影踏古月道人
如瘦鶴導我入雙闕天風從西來寒氣斫毛髮冥冥夜色
中蒼秀在髣髴天門不可登驅車悵明發今來心懣懣胸
中勢突兀入山曾不知祇覺露石骨昨宵茆店臥已有夢
飛越晨興戴明星虔恭事展謁腰輿出北門雲氣接恍惚
遠望岱頂雲已上滄海日巍巍岱宗坊輦路跨鬱律生平
慕向禽岳遊此第一

王母殿在瑤池西北瑤池又名虯在灣

瓊殿鑲秋煙崑邱小有天近遊三萬里暫別五千年日月
簪華勝河山擁翠鈿娥娥諸玉女舊夢憶飛仙

梳洗河卽王母池在梳洗樓下山海經謂之環水其
水爲中谿所經故名河也

翠瀾依約鏡波遲曾照天人絕世姿池水至今猶洗粉河
流當日定傾脂簪花髻重雲千縷戴勝人歸月一眉青鳥
未歸花落盡樓臺寂寞不勝悲

一天門在白鶴泉北

初試天門步層巖豁達開青冥雙闕起蒼翠萬山來霄漢
通仙氣風雲發異才闌干紅一點絕頂有樓臺

紅門小憩

曉霞半紫上朝暎對面青天界碧痕獨向白雲高處望萬
峯翠色聚紅門

飛雲閣

夜色斂寒碧朝暉開翠微十二紅闌干冉冉春雲飛雲來
自何方閭闔通帝鄉長安白日近鳩鵲連未央雲去自何
所隨風下平楚石上一縷煙寰中三尺雨閒雲白如鶴青
冥蕩虛廓下有望雲人正坐飛雲閣

萬仙樓題壁

雙綬靈飛颺六銖風迴絳節萬花扶證來舊夢三生石佩
得真形五嶽圖法駕引中人似玉步虛聲裏字如珠歌闌
欲向仙鬢問清淺蓬萊事有無

低唱烏籠憶舊盟翠微雲淺坐吹笙瑤池中夜秋無際銀
浦西流靜有聲團玉人歸花欲語蕊珠天近月長明司香
記得前身事供養羣仙過一生

雲裾微步珮珊珊風轉靈旗月滿壇鸞鳳一雙丹穴曉樓
臺十二碧城寒秦簫依舊雲容好楚瑟如聞玉手彈隔斷
彩雲三萬里青天閒煞畫闌干

塵海回頭憶碧虛慙因小謫感離居瓊田秋冷無鴻雁翠
水波寒有鯉魚芍藥年華無恙否芙蓉消息近何如欲將
心事題花葉遠寄層城閩苑書

水簾厓

萬斛玲瓏破空瀉青山忽放珠簾下山中應有好樓臺遮

斷紅塵不知夜香鑪瀑布天下奇蒼梧雲暗隔九疑今來
枯坐水簾下凡塵一滌心神怡飽餐秀色飮山綠坐久不
覺忘朝饑天風東來水花動簾中似有人相窺得毋萼綠
華或是董雙成仙鬢十二皆舊識乍迴曼睪雙矚明洗淨
年來箏笛耳衣上明珠化秋水二分明月如玉鉤何人爲
捲珠簾起

壺天閣卽明嘉靖昇仙閣址

岩堯樓閣聳虛空曲折闌干面面紅崑閭何嘗眞海外神
仙原祇在壺中半天雲雨下方見絕頂星辰上界通安得
身騎龍竹杖十洲閒訪紫芝翁

迴馬嶺在壺天閣北一名石關應劭謂之天關

我行騎馬登泰山馬蹄亂踏青芙蓉一天門前飛翠積萬
仙樓下浮嵐濃壺天高閣壓山腹重巖一折趨於東石城
百丈天險設左右九峯連十峯十峯嶺九峯山在嶺之左右連磴直上

劣容趾跬步皆有奇雲封神駿亦復艱騁步況此款段殊
凡庸腰輿未至拾級上壯年那便須雙筇汶水細流若衣
帶徂徠拱列如垣墉下視乘馬漸如豆吳門匹練望更窮
十二連盤達黃峴遠視土色殊青紅二天門開卽天半徑
路屈曲盤雄虹仙人馭驥倘相假逕思鶴背凌天風

十二連盤

一盤復一盤人語入山翠青山如紅闌屈曲十又二一轉
境一變但覺所見異偶逢奇絕處往往出人意迴望步天

橋長虹臥銜轡更有十八盤石路天門細

二天門在黃峴嶺上嶺在十二連盤之北爲登岱之

半

十八盤程一半登撲空翠黛石生稜陰厓日避春畱雪幽
澗寒消水破冰絕壁一泉飛豁達峭厓三面削峻嶒下方
莫笑遊蹤滯已到天門第二層

蛟龍石

一橋銜銜眠雄虹一石宛宛蟠雌龍何年蛻骨深澗底滿
身鱗甲青芙蓉前年海上坐風雨天門龍挂滄溟東水星
高閣海氣白杳冥變化迷靈蹤今來瞥眼意驚駭分明頭
角突兀牙須雄中有甘霖潤萬物作勢似欲騰高空石兮

石兮吾語女尺蠖之屈殊凡庸陵門雷雨會有待升天更
許潛蛟從

御帳坪爲宋眞宗駐蹕處

三磴路東折石骨勢漸平嘉禾旣繁衍幽淵亦涵渟鑿痕
有古意云是御帳坪憶昔宋祥符天書寶紫清燕雲未復
地銀夏猶阻兵東封侈祥瑞岱宗禮羣靈天門擁翠華環
道扶龍旌玉輦此駐蹕帳殿開瑤京質明閔石甃圍臺列
羣英惜昧巡狩禮兼誤封禪名今來坐遺趾依舊青山青
對面數蒼官風雨猶秦聲

五大夫松在御帳坪北蓋後人補植者

問君可是秦時樹黛色離離起煙霧長風股地翻秋濤雨

聲欲來有餘怒秦皇鞭石石流血萬鬼百神咸率職千乘
萬騎登泰山環道陰森碾車轍天門風雨不相假博浪如
看一椎擊蒼髯老叟陰扶持殉枝兼茈萑高與斯五大夫爵
列九等報功當日何卑卑祖龍輻輳悲沙邱霜鱗亦化蛟
螭蚪此是秦松幾孫子餘蔭尙及三千秋北望松山正相
對翠鬣鱗鱗作驕態唐槐漢柏比君古莫仗頭銜作前輩

飛來石

君是山顛石曾見秦時事何年天風來吹之落平地世人
不相識羽化疑飛來石也不能言滿身黯秋苔燕子金陵
磯靈鷲錢塘峯一止不復飛萬古青濛濛上有秦時月下
有秦時樹仍待天風吹飛上山巔去

處士松在朝陽洞北

寒梅喻幽人葉竹比君子松也而大夫泉石羞顏矣此松獨偃蹇甘老空山裏非無梁棟姿雲臥扶不起避世同巢由出山笑園綺知名非所就處士贊詞耳天風和長吟松花落溪水

對松山一名萬松山在朝陽洞北

峯影起寒碧萬松成一山白雲如水不到地擁此空靈縹緲之煙鬢十株五株蒼鬣好千株萬株盡天矯就中老榦欲化龍東峯出鱗西露爪長風東來吹刁調大門忽起錢塘潮秦時風雨曾未識大夫雖貴非吾曹剝落莓苔綠成片老鶴巢深不能見欲呼畢宏韋偃寫蒼茫山中安得鷓

溪絹

新盤在大龍峪東

舊盤如直臣新盤若佳士不知高可攀祇覺平如砥嵐翠
來引人行行勢未已萬朶青芙蓉一一生腳底軒翥靈鳳
翔突兀蒼龍起樓閣蕩空冥隔雲如隔水振衣撲黛色吹
落蓮花蕊雙峯轉石壁日影忽東徙仙坊入環道不知更
幾里

十八盤在石壁峪中盤盡處爲南天門漢應劭封禪
儀記名其地曰環道也

雙厓一束青天寒天門詖蕩浮雲端磴道壁立勢如削東
西懸縷愁攀援登天有路說非剗絕頂登臨肩相讓但有

前進無返顧不問艱難惟一上是日無雨微有風白雲如絮吹蓬蓬眼前有景不暇瞬隻手仗此綠玉筇百尺竿頭求進步到此更無中立處畏途歷盡得安行看我天門振衣去

南天門一曰三天門十八盤盡處也

巍巍南天門雙闕象緯逼日月近可攬星辰俯堪摘拔地萬千仞去天四五尺絕頂開眼界下視惟一碧何方正雲雨一綫漾微白剛風馭元氣吹我墮冠幘搔首聊自快已與塵凡隔

摩空閣在南天門上

衣袖振天風闌干碧落中萬山皆拱嶽一閣獨摩空雲雨

下方隔星辰上界通祇應邀羽客閒坐話鴻濛

月觀峯在南天門之西

我昔夢騎元鶴遊廣寒金鵝花樹闌雕闌素娥玉女四五
輩霓裳舞急聲珊珊一墮西巖隔塵世重來空憶白玉盤
盤盤直上青天齊一峯正對天門西杯中寒碧影滄海海
水夜沈青玻璃世人愛日吾愛月安得長年圓不缺獨坐
西峯看月生應勝東峯觀日出

望長城嶺

武靈建後又秦開更築長城此地來戰國防邊已辛苦後
人莫爲祖龍哀

碧霞元君祠

金碧晃桂棟雲霞葩蘭栢玉殿青山巔云是元君祠簷牙
紅靺鞨屋脊青琉璃飛鳳翼鐵瓦潛螭夾銅碑三成峙綽
楔金闕輝明曦寶庫梨棗錢棗鑰嚴金錠中殿鏤花裡畫
壁紛歲蕤花幡颺流蘇珠龕麗杲思層臺列寶鼎采旄映
翠旗仙像皎如玉禴翟九鳳飛海鏡鑒玉容天月窺修眉
瓊印碧宇照石磬瑤壇遲羽衛擁雲嬪一一天人姿仙凡
隔咫尺蔽以青霞帷載考元君號典籍多異詞稽之瑤池
編云始黃帝時昆侖有真人西向迎蕃釐玉女六七輩雲
冠而羽衣一人得升僊靈綬揚翠氎或云天帝孫織女應
同支厥父名金虹太乙羣仙師或云名玉葉國在天西涯
女金夫氏石姓字皆可稽曾入天空山修真黃華喟得道

西漢年碧落乘風歸南海有天后靈蹟湄州湄或云二而
一玉冊同致辭靈談半幽渺莫辨是與非玉女出岱宗說
本秦李斯翠微事元君亦見隨州詩石像易刻玉祥符延
洪禧文字雖有微猶未歷管窺恭讀 純皇記典重邁鼎
彝其義同富媪其尊竝皇姬其功翊乾粹其職秉坤維其
神卽后土其實則地祇其禮卽方望其位則壇壝延洪關
經訓一破千禩疑祠門正南向四覽心神怡東憑五花厓
盤道臨厓屨西北望嶽頂磨厓勢邈迤萬峯拱靈域蒼翠
羅堦墀下視見城郭界畫如置棋金燈中夜照香樹三霄
垂翠華記 東巡 賜額生光輝金絲韻流鈴天仗森威
儀九州萬士女禮拜瞻洪慈祠宇遍海岱靈貺昭明微惟

此實上廟天門緯參差神漢溯璇源西向尋瑤池

天僊照鑒玉印歌

鬼神守護蛟龍鎮瓊雲夜冷燕支暈仙闕雙銜玉女碑神
霄爭捧天仙印天仙當日禮昆侖羽帔雲冠第一人不向
鼎湖隨法駕黃花古洞坐修真功成身躋羣仙位此印何
年出天賜仙心如月照人間先天篆出清虛字六庚符佩
太元篇五嶽圖珍紫綬懸應有蛾眉司玉牒綠章印罷夜
朝天劫火昆岡焚不得依然翠奪芙蓉色試看沉檀寶匣
中一舉分得仙霞碧乞得朱文玉一方靈飛珍重夜焚香
眼前豈獨仙凡隔肘後綸金我未黃

玉女池

集靈臺上禮羣真西望崑崙隔暮雲玉女七人皆絕世衆
中第一是元君

上古瑤池近翠微青冥鸞鶴幾時歸西峯璧月如明鏡曾
照當年舊羽衣

曾見瑤壇集萬靈臨波彷彿照媼姪一池倒影天如水夜
夜長明玉女星

雙鴛閒啄白環花夢裏曾遊玉女家花葉自題池水上欲
尋紅鯉寄凌華

玉女池上感唐人所載吳女盈盈事因和其韻

一別紅塵隔翠霞尙餘池水照芳華珠宮譜牒無雙字碧
海樓臺第幾家蘭訊仍煩青鳥使仙林又放白環花昨宵

正向吳門望記得西峯月未斜

大觀峯觀唐元宗摩厓泰山銘竝訪宋眞宗述功德

銘殘字

天門路東轉豁達開蒼屏鸞飛鳳舞出雲表迺是開元皇
帝東封銘李唐開國勢全盛乾封封嶽朝羣靈金輪一后
禮社首鴛鴦碑上同書名條桑歌興瑞雲起牝雞家法同
尹邢飛龍眞人潞水出一劍掃淨前朝腥開元之盛繼貞
觀中興重爲開太平齊州父老走伏闕名山望幸遲龍旌
封祀朝覲古大禮明堂集議勞公卿惟十三年冬十月太
史卜吉法駕行鸞旗部列麗孔翠玉輅輦集扶庚丁省方
行慶恩若醕百年壤叟騰懽聲六飛駐蹕慶雲縵齋宮恭

默通精誠遂封泰壇禮泰折配以祖考惟德馨金鑽石臧
用前制玉牒徧示心昭明子孫百祿民受福不希神仙求
長生爰作銘辭告萬世摩厓泐紀垂典型文章典重字畫
古泥金照耀丹青瀨姚宋不死九齡在千秋金鑑應長鑒
七十二代溯遺趾一碑何必殊云亭如何暮氣事顛倒竟
以叛將爲干城豬龍得地終跋扈傾城未必由媼姪潼關
一啓劔門去青驪蜀道行伶仃峩峩山勢埒喬岳盛衰今
昔難爲情歸來南內掃落葉空階秋雨愁淋鈴始知秦漢
事一轍封禪早已萌驕盈後來天書更可笑嗚呼黃帛欺
聾盲祥符奸相智鬼域涇淵敗毀城下盟文房書弱等邱
垤空有殘字橫庚庚惟此鴻詞大筆照千禩突兀長與青

山青

岱頂

茫茫真欲小乾坤到此方知我亦尊
曉色東霞明日觀夜中北斗挂天門
雲根自結千峯秀元氣能收萬古魂
欲向龍身問來脈遠從長白溯崑崙

山川歷歷眼中收始覺天浮地亦浮
練影白猶飛越觀煙痕青欲點齊州
舉頭便有鴻濛意撒手思爲汗漫遊
東酌扶桑西碣石一樽消得古今愁

玉皇宮殿闕明庭遺址猶傳古太清
上界星辰仙闕近中原霖雨片雲輕
蒼官化去陰仍碧青帝歸來月正明
若問神仙吾輩事他年節筮學長生

萬朶芙蓉躡足看乘風歸去欲驂鸞青天雲過衣裳冷碧
落風高吐咳寒玉簡誰探秦帝策翠華空問漢皇壇置身
絕頂原非易歷盡天門十八盤

古登封臺

黃帝且戰且學仙鼎湖丹熟龍蜿蜒秦皇而後漢武繼窮
兵未已希長年明堂圖已建汶上汾陰鼎亦來甘泉相如
麗藻自千古遺業尙欲金泥傳九皇遜德八神事侈心不
減蓬萊船元封元年三月吉萬夫立石山之嶺其年四月
上泰山玉牒書闕金繩纏奉車子侯親奉御筵下陰道禪
肅然此臺近接秦故址臺基方廣中不偏當時謁者先拜
跪酢梨酸棗紛金錢外傳所紀事恍惚上元王母來蹕蹕

蟠桃未花青鳥去茂陵秋草空芊緜七十二君遺趾盡寂
寞惟此一臺突兀承青天天門縷縷白雲起紉縵疑是封
中煙

無字碑在登封臺下一日石表頌亭林定爲漢元封
年所立石

秦碑在世世屢見會稽鄒嶧及岱宗詩書盡蟠儒盡坑乃
以文字驚愚蒙登封臺下古石表碑材特立青芙蓉雖無
銘識少歲月考史知是元封封是年三月至海上先期立
石頌人工四月登降事封禪射牛行事明肅雍但言立石
不言刻遷紀范志咸從同碑高三丈上有蓋或云金繩玉
檢藏其中百神呵護萬鬼守動之輒與風雷逢此言荒渺

不可信但見四面瑩澤如璇琬或云相如已死豈未出海
內無筆鏘鴻濛不然何以甯此一疑不可破遂令萬世如
盲瞽琅邪碑式吾未見聞與此石同磨礱碧霞東廡舊秦
刻劫灰惜已消祝融秦碑有字則可信尙有摹本傳無窮
曾洪歐趙言盡警論古吾愛亭林翁

岱陰環道

環道登天門朝陽上春綠仙磴十八盤一盤龍一曲南北
正相對陰陽互鈐束岱陰勢更峻臨厓氣局促盤路歎不
平自古稱獨足萬峯青擁背黛色戀回矚微聞天風吹松
壽雜飛瀑漢武昔登封闢臺闕金玉禪地尋陰道子侯奉
車轂想見羽衛勞蠶叢下躑躅前代始開闢石骨終攢簇

迢迢黃花棧眠虹亘相續北指玉女山修真訪石屋

黃華洞訪玉女修真處

杳杳天空山亭亭堯觀臺其側有仙洞繞洞黃華開玉女
昔修真坤靈孕胚胎功成升天衢飄飄凌九垓帝命佐岱
嶽元氣司根荄至今元君宮雙闕森崔嵬洞中玉柱高晶
瑩絕浮埃石厓手印畱纖指消春苔金牀與玉几支以碧
玉堆絕頂窺飛樓闌干接天街仙鶴時一鳴應自瀛洲來
東望古鑑池一碧寒無涯想見洗頭時雲髻迴盤縹黃帝
昔御世佐命多嫺嫺兵法元女精儀態素女佳西向迎昆
俞娥娥山之隈雲冠而羽衣七人同徘徊一人獨登真乘
風歸蓬萊所思彼六人何獨無仙才乃知慧業殊非獨功

行躋神仙尙如此使我中心哀

鹿町山黃伯陽洞是戰國時黃伯陽修隱處

七雄方競智一士獨修真豈獨桃源隱深山爲避秦

青山頂上望立石

一拳終古立峯巔指顧青山翠靄連地近明堂東五里史
書元鳳漢三年麒麟閣圯荒宮草駮騎營空絕漠煙南去
高臺遺趾在武皇當日望神仙

題天門壁

元氣茫茫眼底收芒屨踏徧萬峯秋題詩更與仙人約許
取他年五嶽遊

頤道堂詩選卷二